

# Militente

Eccu mi trovu in prigione serratu  
Pè esse statu cume tropu pigliatu  
Chi a trappula era tesa  
Da a volontà francesa

Un aghju avutu, caru u tempu di parte  
Chi di a sorpresa cuniscianu l'arte  
Sei pulizieri armati  
A dossu mi so cascati

Prestu intravatu, mani e pedi liati  
Mancu un sintia i pugni e calci datti  
Rividiu in u mumentu  
Un passatu militentu

Per ave fattu, piu di deci anni in testa  
À purtà fede, sottu sole e tempesta,  
À l'apertu o clandestinu  
Un ringrettu u mio destinu

Saranu chjeti di u fronte i fratelli  
Chi « l'aqua in bocca », sara stata per elli  
Ricunnoscu che i mio fatti  
Per vede li mei capiatti

Mezu a ssi muri d'azzione impiditu  
Di liberta he grande l'appetitu  
Senza canta, e serate  
E pò « tanti notte calde »

Per lu penseru francu muru e prighjone  
Un ci he catene parchi teni raghjone  
Fermu ciò ch'aghju prumessu  
Ne vintu, ne sottumessu

E mi rallegru di a sumente chi leva,

Fu suminata ch'ella sia rileva  
Rivulta di u senzu anticu  
Pettu a l'eternu némicu

Ch'ella si sparghi in menti ghjuvenili  
D'una paghjella à frombu di fucili  
Oghje ghjornu piu che mai  
Si risonna tanti guai

Compiu ssu cantu ch'un pò esse lamentu  
Chi lu me core batti sempre cumentu  
À lotta cumentueghja  
Ci ritruveremu à vegħja.

Natale Luciani